



Sesida dals

Communitgà ils

Protocol nr.

22 d'avust 2023

29 d'avust 2023

667/2023

Incumbensa Degiacomi

concernent ina purschida da plazs che correspunda als basegns
en la pedagogia speziala

Resposta da la Regenza

Sin basa da l'analisa dal basegn fixescha la Regenza periodicamain la planisaziun da la purschida en il sector pretensius (art. 49 al. 2 da la Lescha davart las scolas popularas dal chantun Grischun [Lescha da scola; DG 421.000]). Per l'analisa dal basegn che l'Uffizi per la scola populara ed il sport fa, vegnan interrogadas las instituziuns da la scolaziun speziala sco er ils posts spezialisads da l'uffizi. L'analisa dal basegn 2022/23 inditgescha in basegn d'agir pervia da l'augment dal basegn d'ulteriurs plazs en la scolaziun speziala separativa.

Tar il punct 1: Per ina purschida confurma al basegn en la scolaziun speziala integrativa (SSI), che stat a disposiziun da tut temp ed en tut las regions, fissan particularmain necessarias persunas spezialisadas ch'èn adina disponiblas e ch'èn qualifitgadas correspudentamain. Quai n'è actualmain betg il cas. En il passà ha la Regenza permess plirs studis per pedagogas e per pedagogs curativs da scola a la Scola auta da pedagogia dal Grischun. Actualmain è vegnì lantschà l'onn 2022 in model da scolaziun e da furmaziun supplementara che vegn a durar 6 onns e che dispona d'in dumber da plazs illimità. La Regenza na po betg influenzer directamain il dumber da participantas e participants, lur engaschaments posteriurs ed er betg la dimensiun da lur pensums. Sco ulteriura mesira duai perquai vegnir examinà da transferir l'engaschament dal persunal d'instrucziun e d'assistenza SSI davent da las instituziuns da la scolaziun speziala via sin ils portaders da scola. Quai pussibilitass tranter auter da duvrar las resursas en moda pli effizienta.

Las resursas existentas per ils plazs en la scolaziun speziala separativa, limiteschan actualmain l'admissiun d'ulteriuras scolaras e d'ulteriurs scolars (SeS). Sin l'onn da scola 2024/25 vegni actualmain lavurà vidlonder da stgaffir a vista mesauna capaci-

tads supplementaras per actualmain 24 SeS cun in impediment. Quai vegn a chaschunar custs d'approximativamain var 1,6 milliuns francs/onn sco er ulteriurs custs da milliuns francs per eventualas mesiras architectonicas. Per differents motivs stoi actualmain vegnir partì dal fatg, ch'i resultan a lunga vista ulteriuras mesiras che ston vegnir examinadas.

Tar il punct 2: La pretensiun che SeS cun impediments obtegnian, sche pussaivel, entaifer in quartal in plaz correspondent en ina instituziun da scolaziun speziala, prenda da stgaffir capacitads localas e persunalas supplementaras. En media chaschuna quai mintga onn custs da var 150 000 francs per scolara resp. scolar (scolaziun speziala separativa interna), ch'il chantun sto surpigliar.

Tar il punct 3: En il sector da la singularitad da cumportament ha la Regenza permess il mars 2023 da stgaffir otg plazz supplementars. Ina inventarisaziun durant il zercladur 2023 tar las instituziuns ha mussà, ch'ulteriurs plazz d'aventan libers per il cumenzament da l'onn da scola. Ils dumbers d'occupaziun èn enconuschentamain suttaless a variaziuns regularas. A vista mesauna ed a lunga vista vegnan examinadas ulteriuras mesiras.

Sche la realisaziun da la scolaziun speziala integrativa arriva – en il sector impediment – a ses cunfins pertutgant las resursas impundidas, po il chantun gia oz e fin l'admissiun en la scolaziun speziala separativa finanziair resursas supplementaras u – sche quai è commensurà – conceder ina reducziun transitorica dal pensum d'instrucziun. Per quests motivs na dovri naginas adattaziuns legalas ord vista da la Regenza.

Sin basa da questas explicaziuns propona la Regenza al Cussegl grond d'approvar l'incumbensa qua avant maun concernent ils puncts 1 e 2 e da la refusar concernent il punct 3.



En num da la Regenza

Il president:

Peter Peyer

Il chancelier:

Daniel Spadin